



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 2. An quando ab Ordinario committitur extraneo Sacerdoti licentia
assistendi matrimonio de præscitu proprii Parochi, vel præmissis
denuntiationibus, valeat matrimonium, si Parochi præscitus, vel ...

urn:nbn:de:hbz:466:1-41144

hunc alii complures: atqui matrimonium est favorable, & assistentia illi praestita ab alio Sacerdote modicum, aut nullum præjudicium affert Parocho: ergo operantur consensum, seu legitimam licentiam. 2. Quia ubi licentia requiritur in actu, sufficit tacita, & præsumpta ex ratificatione de praesenti, arg. C. fin. de offic. Vicar. in 6. & multis probat Jo. Lupus rubr. de donat. §. 68. n. 27. cum aliis.

3. Quia eodem tenore C. omnis utriusque sexus citr. requiritur licentia proprii Sacerdotis, ut alienus Sacerdos possit Confessiones audire, & tamen sufficit licentia tacita, quæ habetur ex ratificatione de praesenti, ut docent Cajetan. Sum. V. absolutio, Sylvest. Confessio. q. 6. & q. 15. Rosella Confessio Sacramentalis 3. n. 31. Sotus 4. d. 18. q. 4. a. 3. Navar. Sum. c. 9. Sanch. l. c. Ledesm. Henrig. Ang. aliqui complures: ergo etiam sufficit in matrimonio: Unde La Croix l. 6. p. 3. n. 735, qui obtinuit, inquit, licentiam, ut inire possit coram Parocho S. Petri, si ineat coram Parocho S. Martini, assistentia tum est valida, si designatio Parochi S. Petri est facta in gratiam petentis; nam est tacita, & implicita licentia, ut etiam alium audeat: si autem hæc licentia esset facta ex speciali causa moveante ad designandum Parochum S. Petri, ita ut non dimisisset ad

R. P. Leonardelli Soc. Jesu.

alium, assistentia erit invalida. Gob. n. 325, & conforme est dictis l. 6. p. 2. n. 2241. Hæc ille. Plura hac de re videri possunt in Cas. 51. part. 1. Decisionum practicarum &c.

Ad 2. Q. Videtur non valere⁴⁵⁶ matrimonium, si, quando datur licentia assistendi, præmissis denunciationibus, aut præscitu proprii Parochi, omittantur denunciations, aut Parochi præscitus; quia quando conceditur licentia sub certa forma, quæ non observatur, invalida est data licentia, hoc ipso, quod hæc non operetur ultra mentem concedentis, Nihilo minus,

Dicendum est cum Gloss. Clem. 1. de offic. deleg. V. repererit. Abb. n. 19. Navar. Sum. c. 27. n. 37. ubi ait, id esse receptissimum. Covar. C. Alma mater. 1. p. §. 9. n. 8. de sent. excomm. in 6. Innoc. C fin. de præsumpt. & C. prudentiam, n. 9. vers. et si contrarium &c. Felin. n. 29. Sanch. l. 3. D. 33. n. 3. Avers. q. 6. S. 4. §. ult. La Croix l. 6. p. 3. n. 732. aliisque, matrimonium eo in casu validum esse, si quidem vera nullum subsit impedimentum dirimens. Ratio est, quia quoties exprimitur in commissione forma juris communis, eo modo, quo de jure inest, non est mens, & intentio committentis inducere novam formam, & conditionem strictè talem, sed censetur tantum

Rrr apponi

apponi tanquam modus, & admonitio quædam, ut serventur ea, quæ de jure servanda sunt; & ratio ulterior est, quia expressio ejus, quod tacitè inest, nil prorsus operatur, cap. signific. de elect. l. 3. de leg. 1. *Conditiones*, quæ extrinsecus, ff. de cond. & demonst. licet enim non exprimeretur, jure subintelligebatur: Cùm ergo sit jure communi expressa illa forma præmissis denuntiationibus, cap. fin. de clandest despons, & Trid. Seff. 24. c. 1. de matr. dum exprimitur in licentia, ea forma non est conditio, & restrictio licentiae, sed admonitio, ut servetur: Quare cùm neque in citt. cap. fin. nec in Trid. præscribantur monitiones tanquam aliquid pertinens ad essentiam matrimonii, illartum omissione nec vitiabit licentiam, nec matrimonium, etiam non præmissis denuntiationibus, utpote non pertinentibus ad essentiam matrimonii. Ex hoc ipso capite inferunt citt. DD. commissione facta Judici, ut condemnent Titium, si Petrus probaverit debitum, valere sententiam Judicis condemnantis, Petro non probante, quia est conditio, quæ de jure inerat. Similiter, si in delegatione dicitur, Confero Beneficium Petro, si fuerit idoneus, non esse conditionem, quia jure communi inerat, nec nova idoneitas jure communni non requisita, exprimitur, ac proinde actum contra gestum valere. Unde patet responsio ad ra-

tionem dubitandi suprà insinuatam. Id enim verum est, quando ea forma, posita in commissione, non est forma juris communis, sed nova, tunc enim importat conditionem, qua non servata, invalida est licentia conditionata.

Idem videtur dicendum de præscitu proprii Parochi, & salvis juribus Parochialibus, videlicet esse duntaxat modum & claufulam præceptivam, & non irritantem, ad vitandas nempe queras proprii Parochi, & ne detraudetur suis juribus. Ratio est, quia ex una parte favor matrimonii in jure est amplissimus, ex altera parte, cùm Tridentinum irritans matrimonia sit correctorum, potius pro valore standum est, quando ea observantur, quæ ad tollendam clandestinitatem sunt præscripta, ad quod sufficit, si matrimonium contrahatur vel coram Parocco proprio sponsi, aut sponse, præsentibus duobus saltем aliis testibus, vel coram alio Sacerdote ex commissione proprii Parochi, vel Ordinarii, & dictis testibus, ubi nulla fit mentio de præscitu proprii Parochi, nec sollet in ejusmodi commissioneibus apponi; utpote nihil faciens ad finem Tridentini; quo proin omisso valebit nihilominus matrimonium, nisi aliunde aliquid obsteret.

Porro ut matrimonium valeat, 457
debet licentia assistendi fuisse intimata,

timata, & acceptata ab eo, cui conceditur, ut tenet probabilior DD. sententia cum Sanch. l. 3. de matr. D. 36. Palao tr. 28. D. 2. p. 13. Coninck. D. 27, de Sacram. n. 32. Filiuc. Hurtad. Barbos. Averl. Wiest. Schmalzgr. aliusque; quia talis licentia sapit naturam gratiae privilegio concessae, estque quedam privilegii donatio; privilegia autem, & donationes indigent alicujus saltem acceptatione, nec sortiuntur effectum, nisi a tempore, quo certior de illis fit is, cui conceduntur. Cap. si tibi absenti, de præbend. in 6. Unde si quis licentiam assistendi habeat, & se illam habere nesciat, non assistit validè; quia licentia non est valida, nisi acceptetur; acceptari autem nequit ab ignorantе. Quod si per nuntium submissum petita sit a Parrocho licentia, ut aliud Sacerdos assisteret, & quia sciebatur, eam esse obtinendam ante horam decimam v. g. hora verò undecima ineatur matrimonium ante adventum submissi nuntii, valida erit ea licentia, ut docent. citt. DD. quia satis est, illam esse pettam, & acceptatam a nuntio ad eam petendam destinato.

458 Ad 3. Q. An valida sit licentia assistendi matrimonio dolō, & mendaciis impetrata, ut si falso nomine alicujus Magnatis, vel falso allegata causā urgentis necessitatis licentia petatur? R. Sub distinctione; vel enim tale men-

dacidum, aut ratio falso allegata habuit rationem causae finalis, aut solū impulsivæ. Si habuit rationem causae finalis, ita ut concessio licentiae alligata fuerit a concedente veritati causae allegatae, clarum est, licentiam esse invalidam, & consequenter matrimonium, quia tunc aperte deficit consensus in concedente. Si vero habuit rationem causae solū impulsivæ, tunc et si concedens cognita falsitate allegationis non fuisset licentiam concessurus, si tamen allegationi falso concessiōnem suam non alligavit, valida est licentia, ut docent Sanch. l. c. D. 39. n. 14. Coninck l. c. n. 37. Casp. Hurtad. de matr. D. 5. dispe. 11. Palao. l. c. Perez D. 41. S. 6. Wiesth. h.c. n. 79. Schmalzgr. n. 212. Ratio est; 1. quia causa impulsiva cessante, non cessat dispositio, ut probat Tiraq. cum aliis tract. cessante causa limit. 1. a n. 1. usque ad 10. Nec talis videtur esse mens concedentis licentiam, ut velit eam esse irritam existente ea falsa petitione, ne matrimonium passim irritetur, ex eo vel maximè, quod concedentes non lateat, sèpè mendaces esse, & ficticias ejusmodi petitiones. 2. Quia hoc ipso quod causae, & autoritati allegatae consensus concedentis alligatus non sit, ille simpliciter & absolute est praestitus, non obstante, quod si falsitatem allegationis cognovisset, licentiam non concessisset.

Rrr 2

Nec